


~ 16
2844
6



門 16
號 2844
卷 6

高皇帝御製文集卷第十七

祭文

中都告祭天地祝文

曰昔者元政不綱英雄並起民不堪命苦殃不可禁荷蒙

昊天上帝后土皇帝祗憫世民之艱苦授命於臣賜以文武人多良能八年以來除民禍殃臣蒙

上帝后土之恩文武之能非臣善為當大軍初渡大江之時臣每聽儒言皆曰有天下者非都中原不能控制姦頑既聽斯言懷之不忘忽爾



早稻田大學
25.10.3
蔵

上帝后土授命於臣自洪武初平定中原臣急至汴
梁意在建都以安天下及其至彼民生凋敝水陸轉
運艱辛恐勞民之至甚遂議群臣人皆曰古鍾離可
因此兩更郡名今爲鳳陽於此建都土木之工旣興
役重傷人當該有司疊生姦弊愈覺尤甚此臣之罪
有不可免者然今功將完成戴罪謹告惟
上帝后土鑒之

即位告祭文

維我中國人民之君自宋運告終
帝命真人於沙漠入中國爲天下主其君父子及孫

臣
自有餘年今運亦終其天下土地人民豪傑分爭惟

帝賜英賢李善長徐達等爲臣之輔遂有戡定采石
水寨蠻子海牙方山陸寨陳也先袁州歐祥江州陳
友諒潭州王忠信新淦鄧明龍泉彭時中荊州姜珏
濠州孫德崖廬州左君弼安豐劉福通贛州熊天瑞
辰州周文貴永新周安萍鄉易華平江王世明沅州
李勝蘇州張士誠慶元方國珍沂州王宣益都老保
等處狂兵急民於田里今地周廻二萬里廣諸臣下
皆曰恐民無主必欲推尊帝號臣不敢辭亦不敢不

告

上帝

皇祗是用吳二年正月四日於鍾山之陽設壇備儀
昭告

上帝

皇祗簡在
帝心尚饗

朝日祝文

混混之初兩儀無象神光未著及穹壤既立神光運
行照臨下土萬象昭明形影俱分四時序而天地位

順駕

民物蒙恩凡有國者咸修祀禮今當仲春式遵古典
致禮以祀謹以玉帛牲齊用伸祭告尚饗

夕月祝文

鍾陰之精配陽之德歷代相承祭以秋夕今也時已
秋分特備牲醴祭奠伏惟神鑒尚饗

周天星辰祝文

布列周天各司舍度光燭於下人所瞻仰今季秋之
時穹碧澄清萬象輝輝朕遵古典仰伸禮祭神其鑒
之尚饗

先聖三皇歷代帝王祝文

昔者奉天明命相繼為君代天理物撫育黔黎彝倫攸序井井繩繩至今承之生民多福思不忘而報特祀以春秋惟帝兮英靈來歆來格尚饗

祭西嶽華山西鎮吳山文

維神磅礴西土為是方之嶽古昔帝王必知神有所司故載在祀典為民祈福今予統中國兼撫四夷前者為剝罕腦兒伯顏密邇中國屢撫不服告神用討已行絕滅自陝西迤北民無兵禍之憂但方今河州東南西南吐蕃川藏等洮州三副使頽素子雖以子入侍於心將欲抗拒朕心有所不安特告神知命將率兵前行進討惟神鑒之

祭大河文

維神蜿蜒東注故稱大河古昔帝王餘文並與西嶽同遣功臣等祭五嶽四鎮四海四瀆文

荷

上天

后土之眷命蒙

神之效靈以致平群雄息禍亂君土黔黎於華夏統控蠻夷於今十年中國寧然然神之祀若以上古之君言之則若為民而禱載有春

祈秋報之禮於斯之祀有望於

神而祭者有符於所在而燎瘞者今予自建國以來

十年于茲國為新造民為初安是不得親臨所在而

祀

神也特遣開國功臣某道士某以如予行奉犧牲祝

帛於祠下以報效靈自今以後歲以仲秋詣祠致祭

惟

神鑒之尚饗

遣功臣等祭北鎮醫無閭山文

荷

上天

后土之眷命此下文與五嶽四鎮同今予自建國以來十年于

茲每望祭

神於京師未遂詣祠而祀予當親至近郊而望祀祭

國為新造民為初安是不得親臨所在而祀

神也特遣開國功臣某道士某以如予行奉犧牲祝

帛於近郊設壇以報效靈自今以後歲以仲秋遣官

代祭惟

神鑒之尚饗

奉迎

社稷祝文

曩者建國之初立

神壇於此其宮殿城垣一切完備後因工匠厭鎮有
端於心弗寧復命工興造宮室亦已完備於
社稷之思想必有厭故將

神壇建於午門之右工既完成理合奉迎安祭謹告
神其鑒之尚饗

奉安

社稷祝文

古人之祀

神也載之於書其議禮初然莫可知其的前代
神壇兩居共一壇而處於理非宜以古人言之

大社五土之神

大稷五穀之神五土發生也五穀因之而茂焉當一
壇而祭理應特選今月初一日奉

二神於此合壇共祀以

仁祖淳皇帝配

神作主永為後世法

神其鑒之尚饗

合祭

天地文

曩者建國之初遵依古制祀以南北之郊西詩周旋九年以來見古人之意固誠於禮未為然也且人君

者

毋地其仰瞻履載無不恩也及其祀也則有南北之壇終不會祀以人事度之為子之道致

父母異處安為孝乎今也大壇鼎建未完朝堂新造已備時當冬至謹合祀於殿庭自今已後每歲合祀於春時未為定禮以

皇考仁相淳皇帝配神惟

上帝

皇祗鑒之尚饗

告廟配享祝文

曩者建國之初遵依古制祀

昊天上帝

后土皇地祗於南北之郊此下與合祭時當冬至謹

合祀

上帝

皇祗於殿庭自今已後每歲合祀於春時未為定禮

謹請

皇考配神伏惟鑒之謹告

祭岷山天女洮水諸神文

神鍾靈秀機莫人知然而福善禍淫以教人聰明正直之為也朕命將指揮聶緯等率兵守禦是方是方乃神所居之處兵既臨此就命聶緯等代朕會神以祀神其無私尚饗

祭城隍蔣廟文

朕起寒微荷

上天后土眷顧百神效靈君主中國曩者平強暴息

相亂每賴戰騎以長驅邇來禍亂已平必備多騎以禦侮所以設太僕寺統群牧監繁馬於郊今年選馬四千有三百上槽俄生疾流傳甚為朕患且朕立京於是方專陽道而治生民也神靈是方專陰道而察不德也朕有所為不得不告今馬有疾故告神知神其有知祐我群牧尚饗

祭嶽鎮海瀆鍾山大江旗壽文

曩者兵爭已久老幼艱辛少壯奔逼苦哉甚矣當是時賢愚思治感動昊穹於是

上帝好生授民以福命予平禍孔有蒸黎予無已能

多賴

百神效靈今者禍亂已平十有一年矣惟西戎有密
邇邊陲者兆州戎寇肆侮年年未曾出師問罪今特
命西平侯沐英僉都督藍玉王弼等率兵進討兵行
會

神以告

神其鑒知尚饗

皇伯考啓櫝祝文

惟

伯考同我

父皇之

父母一氣由來推源及派敢不尊崇曩者天下大亂
人無紀律兵禍流行非獨人世不安在黃壤之下者
亦不能靜居所以

伯考之神蒐子孫之靈魄皆陰宅於此因兵爲人所
發朕本無知惟傍親言其的方知

伯考於是焉

伯考已絕嗣矣朕本猶子故展微衷特擇地以改葬
之選於今日起離舊坐謹遣某齋牲醴以

告惟

日考鑒之尚饗

祭元幼主文

嗚呼生死廢興非一時之偶然乃天地之定數也所以大聖賢者於斯四事若或有一臨之皆不以為色難蓋謂知天命之必然是所以生順天地之命雖死亦無後恨此所以知天命而不惑也且君之祖宗昔起寒微於沙漠當是時天下巨富而為民主者兵強地廣又非一人而已皆不能平君寒微之祖以致葺戈整戎彎弧執矢橫行天下八蠻九夷盡皆歸之此所以天命也延及君之父子正當垂衣以享承平之

福何期盜生汝穎華夏群雄以致君之父子號令杳然終不能平之此人事歟天道歟朕起寒微托身緇流朝暮起居不過侶影而已安有三軍六師以威天下豈料應圖識有天命衆會雲從代君家而主民曩者君主沙漠朕主中國因君與群臣固執天命不移特以彼是我非是有鄰邦之好不脩我不敢以使多進邇來聞君長往念昔有元之孫安忍不再行人至奠以牲醴惟英靈不昧尚饗

祭隴西王李貞文

嗚呼哀哉骨肉之親昔者朕居元時生理艱辛

皇考妣甚為憂戚惟姊孝專心爾能同之故有資賦
不荒然而數年之後

皇考妣長往姊亦棄世但只爾我共生人間忽

天更元運寰宇兵爭當是時爾我各天一方消息莫
聞彼此不知保命何期

天地祖宗眷祐朕應圖識撫群英爾能有知携兒來
棲此為骨肉之親也朕嘗思之平日寒微親戚寡少
獨存爾我但願長生不期一疾既臨倏然去世嗚呼
哀哉痛切於心然生死之道世人之常今也子封公
爵孫有官稱甚哉昌乎爾其有知尚饗

祭衛國公鄧愈文

昔者爾父兄起兵於承平因兵及疾相繼而亡獨爾
幼存方長纒結髮之時而又從兵十八歲而至於滌
陽十有九歲朕率渡江來因爾剛柔相濟朕撫練為
將以致調守諸郡爾善能馭士撫民不作非為已歷
八州矣當群雄角逐之時雌雄未定之秋朝夕患難
相保爾亦多煩為斯德合前勞朕法哲王之制爾遂
為名世之臣乃有衛國之爵其於人臣可謂功成名
遂矣前者為西戎肆侮命爾率眾往征已行殄滅其
黨景張國威特命爾班師復命何期中不測之疾猝

道而逝不復復命矣使朕不覺哀哉痛哉又何望也
然生死之道世人之常壽之短長亦未生之先有定
丈夫至此生無非爲之作乃有福祿之榮雖逝也亦
何恨哉今也子已長成名將愈昌爾其有知尚饗

祭王恭文

始自乙未年間吾渡江太平以爾入吾門而爲壻後
爾長成吾有不勝之喜爲疆宇日廣軍民繁衆於是
內托姻親外假股肱使率兵以鎮名郡而當方面何
期爾父子皆不保榮貴而務賊私容逋逃而隱有罪
致是失托姻親之望絕無股肱之能故發所司以取
所作之由於是免官發同庶人居未幾何有人來報
爾因疾而長往然爾雖身死於國無功於親失托可
謂自恨矣今也三年服終特令人以牲醴致祭爾其
有知尚饗

祭義惠侯劉繼祖及妻夫人婁氏文

昔朕

皇考妣薨逝賴爾惠朕葬地遂得安於陰宅念爾之
德難忘特封爾爲義惠侯及妻婁氏爲夫人遣官齋
誥命贈爾夫婦仍以牲醴致祭靈其有知尚饗

祭僉都督丘廣文

朕起兵淮右相從者衆老成者多獨爾方結髮之時
荷戈戎行膽壯而氣剛九摧堅撫順爾皆有功今天
下大定正當貴身榮家樂太平之福何期年未高而
忽疾杳然長逝嗚呼生死之道世人之常爾雖早亡
功名昭著丈夫至此必無憾矣爾其有知尚饗

祭安南國王陳煊文

上古受胙方隅者一王綱而無二所以固封疆遣逋
逃却有罪陸鄰邦而恤鰥寡故得二者之歡心以事
先人爾煊爲民上於安南失固封疆未審曾侮於鰥
寡而乃至占城有是此果逼迫人而若此歟彼占城

無禮致徂征而若是歟使者來告爾歿海濱朕不覺
痛心嗚呼一言可以興邦一言可以喪邦其陪臣之
佐奚用其道有此耶嗚呼顛而不扶危而不持焉用
彼相然雖云爾亡邦家無虞特遣使奠祭爾其有知
尚饗

祭安東縣沐陽縣鬼火暮繁文

幽有鬼神朕嘗信之不惑然陰陽之道殊在陽非君
爲民而祀之於當祀者餘不鬼神之祝爲人臣而官
守方隅如之所以爲民也若庶民捨祖宗而他祀則
非宜也君臣不爲民而祀亦非也且在陰者非嶽鎮

海濱山川載在祀典之神承上帝后土之命福善而禍淫則神不人見所以神之爲人也若在神之爲禍善而福惡者則非聰明正直也朕思惟神鑒人雖毫釐莫可潛僞以其神去來無迹出入無時故鑒知必精獨人不測於神今洪武十一年四月十四日永嘉侯差百戶來奏安東縣沐陽縣地方民人暮驚謂野有夜持炬者數百或成列或星散巡檢逐之無有擊之有應朕不敢聽而匿特差人致牲醴會爾鬼神於現形所在論問之夫中原之地因有元失政生民塗炭者多死者非一而已故絕

宗廟者有之生離父母妻子而懸於陰陽者有之爾持炬者莫不五姓無主孤寡而欲祭若此歟正爲懸隔父母妻子而有此歟乃無罪而遭殺寃未伸而致是歟莫不有司怠恭而怒之忿歟朕切問爾持炬者四事果屬何耶若有爲而至朕自即位以來凡前王載在祀典者各有時而莫他不敢妄於正直鬼神之禮未嘗缺焉爾持炬者禍應禍而福應福勿妄爲民害自招天憲故茲勅問想宜知悉

高皇帝御製文集卷第十八

祭文

奠忠襄王李察罕文

草之勁者非疾風不顯人之忠者非亂世難名爾李將軍當中原擾攘元政不綱大臣竊命守將擅兵于外是致干戈鼎沸國勢日危人將以為元無人矣何將軍之忠義倡農夫為三軍拔智勇以上聞旌爵以官之明其分數義旗舉而兵興齊魯強兵僅能固守爾能陳兵於野請命於朝進退有方君命是聽當是時忠心昭如五曜號令嚴若冰霜所以動天地而感

鬼神以其忠之所致夫何兵既勝志少盈納通逃釋
有罪忠義漸虧鬼神鑒見俄而樞膺不測殞於敵手
然忠未終而姦未顯壽不期年果屬何耶莫不竭忠
以身先而致是歟抑人臣之有將而若此歟噫予數
其事而酌之猶生之對也靈醑而往予紀而歸誅心
之言爾其聽乎

祭柏子潭龍文

昔兵駐滁陽適當秋首正禾苗暢茂時乃無雨軍民
惶惶予亦甚沮詢及土人言豐山之東潭有神龍每
遇旱患禱之輒應予親詣懇切於祠神不我棄後三

日乃答俄風生萬壑倏墨雲遍於太虛須臾霖雨濟
我軍民然雖去此而常想二十年間凡旱患猶極目
于神方今年群牧在斯掬淵泉飲有告我者蛇入神
祠予想非蛇必神有所爲而至豈牧豎褻瀆而有所
惡歟抑神心悅而至歟嗚呼倏然忽然予所不知特
遣官致祭并禁掬水神其鑒焉

祭平章李思齊文

卿昔爲民中原時逢世亂獨能仗義施仁挺身奮臂
率義旅以保關中臣元有年矣何元綱不援社稷陵
替卿尚能固守臣節斬我行人心忠臣之義可謂盡矣

然大屢將傾非一木可支未幾胡君遁去中原土地
復我漢人朕遂為生民主當是時漢人棄血隴從胡
為我中國仇讐至今身當草野骨委沙漠唯卿退守
臨洮心思父母之邦義忠族類是以全境保民助我
成功今七年矣夫何久疾不痊以致長往噫握兵一
世又得善終亦人之所難卿能如是豈不美哉朕聞
卿歿不勝痛悼今遣某官用牲醴致祭卿其享之

祭淮安侯華雲龍文

昔皆民人爾因世亂歸朕今有年矣雖無獨建奇功
隨衆勤勞多著念爾勲舊特加侯爵朕以燕地之重
托爾任守務在軍安民樂委以燕相更望輔弼何期
數年間軍勞民怨詢其所以乃爾巨府院擅工役害
衆成家書云作善降之百祥作不善降之百殃推爾
之故莫不去賢而近愚忘所以報神人共怒致令如
是歟抑爾前生壽數有定而若此歟然當在生之時
可為善而不為今事已往其幽冥處判無私已在目
前是非還自知否朕有誓曰生封侯而死謚以公著
為常典爾生前守爵而害官民法不當公止葬以侯
禮且薄情不厚所以責之也爾其聽之尚饗

祭滁陽王文

曰曩者群雄鼎沸之時民不堪命王乃奮臂定遠拔
濠城而守之朕方從軍幾被他人所害惟王能活我
致有今日盡平天下家國已成再生之恩終世難忘
今者督工鳳陽道經環滁瑩祠在斯遣官致祭尚饗

中都祭開平王文

曰思爾相從於今二十有二年矣然爾去世倏經五
載若觀聽容聲止有一十七年耳當前十七年間東
征西伐櫛風沐雨奮不顧身開拓疆宇朕知爾心至
如嚴號令帥三軍摧堅撫順英風冠世海內知名其
為丈夫也莫不慨然心至生也如是死也封王懷宇

旣稱祖宗光耀子受公爵女嗣后基今古如是者甚
不多見今年夏四月朕親至中都驗功勞公侯相從
護駕者群然行失爾隊列亡爾班使朕心惻然因祠
在斯特以牲醴享爾如生爾之昔友皆隨來奠神其
不昧尚饗

祭先陶神文

神於初世治陶尤精埴埴為器器治成功今古不易
用且無窮

神之公志有若是耶今也命匠施陶為朕所用特遣
官致祭更祈聽役之人身無他患始終完成是其禱

也神其鑒之尚饗

祭温州千百戶文

曰歷代設兵衛在乎禦侮職於斯者則有櫛風沐雨
野宿風餐披堅執銳之勞以其臨陣也則有捨父母
忘妻子奮不顧身乃能克敵功著史冊名冠天下如
此者實古名將已然之事是致家榮貴國磐石至今
昭昭朕統天下以來中國方寧法前人之所為守在
四夷自洪武初至今倭夷數為寇於海濱生離人父
母妻子損傷物命特勅爾等聽將軍靖海侯吳禎令
舟營海上以靜方隅夫何朕政有缺天風大作怒號

於滄溟之上爾乃恫恭將命信地弗違是有檣傾楫
摧舟碎爾亡然生死之道世人之常得其死者既廣
不得其死者甚多今爾諸人為國為民而殃及於身
事雖如是不為汎然訃音一至朕將何措雖感傷於
衷爾生安得而歸故特遣某官臨海設壇致祭仍命
僧衆脩設道場追薦爾魂使有所歸凡有官者則祿
爾子孫軍士父母妻子則給糧養贍靈其有知承此
祭享

祭保誌法師文

昔者師能出世異人性備六通景張佛教使兇頑從

化善者愈良及其終也擇地於鍾山之陽陰其宅而
居之經今八百六十七年今朕建宮在邇其為師焚
脩者俯而視之因勅中書下工部造浮圖於山之左
今將完成徙師於是於戲漏盡毋生人我劫終勿墮
塵埃惟師神通尚饗

龍江祭太歲諸神文

為出師征西南夷

上帝好生凡有國者必欽承而效之則民安物阜邇
年以來西南諸夷歲為邊民患斯患也稱白堯舜以
至于今化弗循教征弗畏威蓋恃崇山而固險倚林
木之深叢跳梁出沒虐良民而傷生今遣江夏侯周

德興克征南將軍進取散茅等洞安慶侯仇成克征
南副將軍征取容美等洞以及散茅其遣將發兵必
欲摧堅撫順以靜西南兵行特專昭告神其鑒之尚
饗

禱雨咨京都城隍文

上帝
天久不雨時將過矣實予之罪首夏亢陽本欲禱於

后土慮恐煩聽以致因循至今良民失望嘗有憂心
子不敢徑達

上帝

后土於今月十一日親告于鍾山之神望神轉達於上帝

后土惟京都城隍之神先期與報至日祝焉

禱雨有應謝鍾山神祭文

天久不雨烝民懷憂予將告神而未施乃先城隍必城隍善予所云故告旱之辭未訴神其我知即日大雨時行今來詣山而謝神神正無私祐我丞民謹謝

祭漢蔣秣陵尉文

今年仲季夏間

上帝震怒皆朕失奉

天心作為太過以致朝廷多事軍民弗安既受

帝命遑遑無措知無不改然未知

天意曾無回乎俄爾有來告者當

帝怒時神祠亦有干焉朕思神非朕諂朕非諂神朕

凡無知陰道以情理推之必因新建而人愆累神然

皆朕不能斷而致是今既工成而有

帝責之跡本不敢完既成而廢恐失人瞻望特依跡

完之朕非佞神嘗聞向者福善禍淫每皆當焉朕所

以美神已往陰功無諂毋敢弗扶陰而化民故特祀

之今完之欲民為善耳他無所干牲禮之奠神其饗

之

祭外祖揚王文

亦起布衣於淮甸新群雄之來從凡二紀於茲其間
摧堅撫順歛跡英雄平禍亂於寰宇播聲教於八埏
安黔黎於市村是以尊稱華夏濯揚六軍握九伐之
威以鎮頑積四海之利以賞善斯非

上天

后土之昭鑒

海嶽之效靈

家祖

外祖累世皆積陰功奚若是耶每念

外祖之靈必欲親詣年思月想終不遂行為其國事
浩繁弗克詣前今特命外從孫曹國公李文忠以牲
醴之奠獻於陵所以建靈堂及云追封

外高曾祖考妣之由惟我

外祖英靈不昧尚饗

祭外高曾祖考妣文

非累世陰功奚生我

毋必積德廣深感格

天地福加於我然幾暇常思無由展報為其有

母之深恩曠如

昊天

后土雖欲報勞焉能及之今節屆孟秋特專內臣奉
御杜亮齋衣儀詣陵告祭尚饗

祭仲姊曹國長公主文

感傷

父母鞠育之恩思惟

姊孝

父母之專時刻有省油然動心更思

父母初逝兄弟相離

始我是別當是時也各天一方悲傷痛切惟鬼神知
我此時雖居至尊未嘗有忘今也節屆孟秋特遣內
臣奉御徐慶齋衣儀詣

姊墳所

姊其享牲醴受衣儀悅

父母之英靈尚饗

祭宋威武軍承宣使張淵文

世物皆消長朕疑格以觀之然其所以然矣再閱古
而目今聽智賢之所云乃有不磨者惟功德者於人
神而能永焉昨宰管繕者入奏謂爾威武軍承宣使

張淵陰宅其下既開而見辭知捨身以捍患每憂侮以防姦當善終於淳熙甲午之孟秋爾君念忠勤而不忘遂勒石於壙今朕勅宰營繕者鼎新陰宅於是於戲捨身而身存堅忠而名著其不磨也而謂忠焉者矣故茲奠祭爾其享之

祭濟寧侯顧時文

嗚呼訃音來報云及爾亡遂感傷終始發究心之無窮致涕淚欷歔而不已又忽歡動衷情謂識千古之將有所不及夫何如哉蓋將能成功而不為敵所辱朝野無議但嬰微疾遽然長往此所以名世良臣爵及子孫祿榮於家斯善終之萬幸也然死生之道今古不異世人之常於戲摧堅撫順被甲胄於年年其報效忠勤日星昭著靈其有知以享斯祭

祭兩浙運使李世傑文

爾昔此時以武從事東征西伐摧堅撫順爾皆有功剛正不屈公多在職賄賂無知所以命職兼海他官弗肩錢糧辦集已及數年正當高壽之時恐精力不繼遂令致仕養老於家曩者王溥不遵朕諭累犯憲章朕命釋之今年汪信來首云溥非為爾為前導朕聽斯言必奸臣共謀者因是罪及傍人者衆無乃過

平事未久而爾亦逝矣疑其爲此而有愆歟然或真
僞彼此朕所不知今爾臨葬之時特差內臣奠而囑
之爾其尚饗

祭千戶夏以松文

曩元之季海內分爭英雄者非一擅聲教罔知天命
者多惟爾以松思鄉里之切遂倡義旅自維揚渡江
東來助朕征行以致有功前數年福期高壽命從子
襲爵使爾優游以終天年邇聞訃音一至思於相從
甚至感傷今特致祭靈其不昧

祭都督何德文

爾自聽命以來勤勞累著功業愈多朕將報功賜以
巨賞何期但嬰微疾遽然長往然壽雖未足歸去人
歡何也以其爲將而功著朝野不爲敵所辱而得善
終豈不善之善者也

祭四輔官安然文

爾中土之士昔當元末從事義旅効力於元職掌兵
夫及元運終大將軍長驅齊魯當是時爾守齊東爾
爲中土之士祖宗丘隴在焉所以棄胡歸我其來甚
誠朕於爾嘉是以數授之以重任每臨方面累有極
刑之犯者三朕嘗釋之前年爲坐視胡惟庸陳寧爲

惡意已同姦朕思來歸之美仍前釋之昨為朝無人
用復召爾來想必加誠事朕何期鬼神鑒焉爾懷自
愧之疾遽然幽往朕觀所以必有究乎然朕尚思初
歸之意猶加牲醴之奠

祭營田使馬世熊文

嗚呼長者之歸也盡

天之道乎所以天之道禍亂不作於善災害不萌於
良使得善始善終

天之道也爾世熊昔役公門未嘗輕惑於人及帥義
旅度量宏深士卒感恩時當高年前月爾孫來奏云
老疾少侵是月歸奏乃知訃音嗚呼傷哉嗚呼快哉
且傷傷善人去世君子誰同快快於善始善終而盡
天理也朕務甚失遣使問疾時已過矣特遣人祭於
靈所世熊有知尚饗

祭小張國公文

爾本有元之臣率衆闔外禦侮防閑偶爾部下生變
挾爾來歸實非本情居朕京師已有年矣今既年邁
老疾日侵終於長逝特遣某官以牲醴祭奠爾其有
知尚饗

祭江陰侯吳良文

昔忠誠之士從君堅身許之志故犯患涉難以尊一人而安天下蒼生立高名不朽於史冊今古智人竟之無不歡心爾吳良從朕於擾攘之秋年馳月驅擣風沐雨野宿風餐披堅執銳十有四載方封侯爵今又十四年矣正欲安享富貴何期為營造而出嬰微疾而長往訃音至京朕何言哉然為將之士忠於君而能平禍亂為民作福而乃身得善終爾無憾矣遣人以牲醴致奠靈其不昧尚饗

祭孔希學文

曰三綱五常之道始上古列聖相承率脩明以育生民至於中古將欲墜焉非先師孔子孰能脩明之今生民多福惟三綱五常之道備耳蓋世之大德者天地不淪沒人民無惡聲所以為帝者師血食千萬世不泯子孫存焉朕以爾孔希學繼世焚脩求張斯教以顯爾祖何期訃音一至云及長往嗚呼襲封榮貴克保令終可無憾矣特遣使以牲醴致祭爾其享之

祭真人張正常文

繼出世法統僊度人禦災捍患機幹萬靈飛符仗劍轉斗移星雷神聽令妖魅潛形道光斯時貌正精英何乘鸞之去急控法印於上清今遣人奠以牲醴爾

其有知尚饗

高皇帝御製文集卷第十八

高皇帝御製文集卷第十九

古詩

春日鍾山

春吟鳥樹聽流泉
澗下鳴泉鳴山谷
迥迥處野人情
吾吟吟未已孰與春
相迎相迎桃李花
鶯燕鳴丁丁
麤麤盛蟠科寰宇
樂民生

鍾山二首

遊山智盤旋俯谷仰
奇巖松聲細入耳
雲生水石邊
敲竹猿長嘯臨崖
視鹿眠白鶴來天
翅玄裳羽翼鮮
采芝携桂子任意
恣躡遷野人溪外
語黃鸝嚶更便

山靜鳥歸疾林深紫暮煙樵還漁罷釣暢飲樂五年

又

暑往鍾山阿巖幽清興多薰風自南發森松鳴弦歌
玄猿嘯白日丹鳳巢桐柯靈芝秀深谷祥雲盛差我
樹隙觀天碧天青似綠荷迥聞樵採木曲澗沿珠螺
鳥樂山深遂予歡顏亦和野人逢問處樂道正婆娑

詠李白短歌行

漁樵較長短是非盈耳滿話盡誠渺茫山水各悠長
買臣文章中蟠溪望鬢霜兩人隔千古美惡皆一場
爭能在當時雄氣超榆桑罷釣平紂暴休樵飲瓊觴
賢愚自不泯黑白成殊光

題西施

天生兩奇絕越地多群山萬古垂青史西施世美顏
窈窕精神緩悠然體態閑笑擁丹唇臉皓齒出其間
二召起閭里句踐扼雄關伐謀應得志西浙徑親攀
鐵甲乘潮渡黃池兵未還

賜應奉陳溥歸關中

卿家居三川大河環蜿蜒吳山在西土華岳翠東天
涇渭水浩瀚終南固南邊藍田關倚碧秦嶺橫紫煙
太白峯高處炎天雪似綿今卿年本邁歸志不留連

帝當時節沿途善保全陸行還謹宿乘舟渡深淵
智人能識已獨不仗生前真突晨煙進搖鞞紫陌遷
虎牢逢故壘漢楚孰英賢銅駝聞挾彈翁仲立巍然
伊洛天清水梁唐今幾年嶠函西入國潼道扼黃埏
百二山河壯英雄在守焉至老經遙涉曾開意自便
人情偶相合相離更何言我不能人教卿當自勉旃

鍾山賡吳沉韻

嵒峩倚空碧環山皆拱伏遙岑如劒戟邈洞非茅屋
青松秀紫崖白石生玄谷巖畔毓靈芝峰頂森神木
時時雨風生日日山林沐和鳴盡啼鶯善舉皆飛鵠

山中道者禪隴頭童子牧試問幾經年谷云常辟穀
白鶴日間朋黃猿夜中僕萬歲神仙榮千秋凡人祿
無知甲子壽但覺年數福彩雲出洞中鴻濛山之麓

又賡戴安韻

旭日射山巖嵐光加翠色鳴鳳在高柯育雛傍崖側
風來楸葉紅寒鴈起塞北江流護周迴天澄雲影碧
磅礴氣氤氳鴻濛太古積靈秀峙嵒峩仰瞻常晨夕
倚天來何時孰謂題名籍朱湖洞中仙蟠桃徑一尺

又賡谷祿與權韻

時雨濟八荒萬物皆精爽遙空歛白雲巖壑盡軒敞

啼鶯舞林麓民樂更何想樹底清風生花馨送
至往野人入市沽沽畢還山上度士問民瘼王綱仁義掌
智人若峰巒天下有所仰埋雲疊嶂松微音琴撫響

天竺僧

比丘乾竺來情思脫禍胎去鄉十萬里飛錫不塵埋
宵晝觀孰大無時不常懷志立無上等必欲精神諧
忽然觀身影影乃與身偕若欲離塵垢將影與身排
再觀世萬物有形必影該尋思欲解分似乎與理乖
空寂如是說咸將貝葉開論影始太古至今尚猶猜
田午難迴避臨水見眉腮月下偏分曉遇云似恠哉

智人果解分禍胎兩忘災或說身裁影亦曰影身裁
顛倒論常世倒顛日日能觀倦身意馬勞心猿似豺
到了難分去從伊子細差閉門終不見出戶倚身牌
有時定玄機俯仰何根荻祖佛如何定影子在塵埃
爾昇從爾上爾降從爾階躊躇從躑躅穿履亦穿鞋
反復誠難避簪花猶插釵虛實誰參透天厨一供齋
八萬四千戶閭閻適榭臺雞犬聲無異莊周化骨骸
漆園曾作吏槐國已知槐幻中生幻夢幻影與身衰
影幻身亦幻何時有吐衰若欲常寂靜百骸與之齊
智慮渾忘却天然似嬰孩

唐僧韻

天台五百尊方寸皆明月月影彌千江何曾有暫歇
爲斯妙用通今古長不滅昔當懸挂時誠非凡可越
住世及應真幾度阿僧却假錫作梯航泛海濤如雪
一旦杳無蹤暫與沙鷗別儵忽群禪中孰能爲機泄
禪心曠無跡如海亦何竭僧本具他心宗門常合轍

善世禪師遊方歸朝

前年拜辭去今春二月歸未聞湖海闊但見禪眸輝
踏雪來朝覲家風祖佛規默坐各無語方寸究徘徊
櫻花纔臉笑柳眼正舒眉獨翁任清淨愚俗多險危
姦狡不善死到處家纍纍爾心鑑此患棄家永不回
年年常作客如蓬被風吹哀憫自天祐仁深久必爲
切記無住相與佛莫相違

寶光廢塔

寶塔摩青蒼招提歲久荒秋高樓俊隼夜深月影長
寂寂星搖蕩飛雪入棟梁守僧都去盡螢火作燈光
鬼哭思禪度遺經風日張獨有來巢燕呢喃似宣揚
停驂傷古意雲合草頭黃聞說當年盛鐘魚徹上方

歌行

唐僧錫杖歌

由來震旦始乾竺扶老應須棲此杖鈴鈴琅琅妙且
奇撼振一聲空谷響或時化作飛龍感長空如水何
相持有時比翼論端的方覺玄關顯現時志悟未通
心委曲鴻濛渾沌同塵俗驀然一悟凌煙霞覺此覺
他方意足神眸昭昭衆生顧隱隱微微如法故每擔
日月糊餲藤篋食由來飽抵樹

寺中猶食肉

緊行慢行皆虎形室中捕鼠百般能精舍一隙透靈
鼠朽殘經卷將何補為斯育爾佛釋迦日逐隨僧常
茹素常茹素一旦延前舒爪距爾勤爾役誠可錄賞

彼丹衷命食肉

春日鍾山行

我愛山松好雲埋常不老幾度春風吹更綠勝似蓬
瀛美三島石徑聞藥馨流泉嫩春草草青啼鳥澗邊
幽玄鶴摩空來晨早錦衣隊列出山阿飲客婆娑歸
更飽山清水清我亦清有秋是我斯民寶

倭扇行

滄溟之中有奇甸人風俗禮奇尚翕捲舒非距亦非
規列陣健兒首投獻國王無道民為賊擾害生靈神
鬼怨觀天坐井亦何知斷髮斑衣以為便浮辭嘗云

齊服多捕賊觀來王無辨王無辨
君臣跣足語蛙鳩肆志跳梁干天憲
今知一揮掌握中異日倭奴必此變

高皇帝御製文集卷第十九

高皇帝御製文集卷第二十

五言律詩

望鍾山

疊嶂盈門實虛看滿座雲霓闌
松氣濕俯宸篆煙伸鶯轉聲來耳
風催馨襲人近山佳景盛彤殿盡良臣

題老君廢廟

廟古鴉昏集遙瞻起敬心
路幽人跡杳碑偃草叢深
度關先紫氣去後永淪沉
惟有庭前樹多年茂作林

五言排律

長江潦水詩賡吳伯宗韻

炎蒸和氣淳化水亦無渾出峽飛輕雪湍山潤厚坤
蟄蛟從此出浮鷺亦斯奔旋轉如深井壘流瀉巨盆
連雲龍氣躍振木虎情蹲浩蕩彌千樹鴻濛印萬村
影搖成浪合光射集雲屯尾尾穿波鯉揚揚透霧鯤
逶迤洪海口委曲大龍門汗浸無知己汪洋實的存
沛然清宇宙廓爾豈晨昏汨汨涼隆暑人間潦水尊
七言律詩

鶯轉皇州二首

鶯飛鶯轉柳垂青春雨過時天正晴新澗水流聞鼓
韻舊崖松掃聽琴聲神州氣象寰中盛天闕風光世

上明猶有上林花似錦殿階仙樂鳳笙鳴

又

禁城新柳葉成帷隱映黃鸝深處啼晴蝶逐風翻上
下晨雞闋日唱東西華衢紫陌人煙盛繡戶朱門燭
焰低景物美看茶酒肆粉鈿遙擁坐輕蹄

詠京師

臣民推戴號神京嘆息驅馳行伍行轉戰群雄幾尚
記帥征英俊量方平如今已足勲功賞向後無知孰
末名暇日試將銅鏡照烏髭堪比玉垂纓

詠唐陶將軍率舟師

征夷文集 卷二
昔人奉命駕兵船為國精忠突曉煙令出三軍憑戰
鼓呼來萬馬仗龍泉相加若肯存生意比並何須用
着鞭必定清塵要服外收功應達九重天

詠柳州城戍守

城居邊徼壘遐荒煙瘴盈眸癘氣茫日暮海風搖屋
樹春秋溪水泛籬墻思軍久戍炎蒸地必將巡防熱
中腸但願昊穹舒造化洗清鬱結利同鄉

詠南越

邊邑深隍嵌疊峰土民食粟扣時春雲山溪水常相
合煙樹藤蘿每自封嶺外瘴溫鳴蟋蟀海濱鬱熱顯

鱗鱗常思不律皆由此數月朱顏別舊容

諭臨蒸縣官

臨蒸邑治絕遐方截業重山碧翠行溪曲羊腸嵐雜
霧樹蟠龍體雨飛湯墨雲隙處天澄水蒼海空中日
曜陽好把寸心問民瘼當遷離瘴任瀟湘

聞人嶺南郊行

極目山雲雜曉煙女蘿遙護嶺松邊陸行盡服嵐霞
氣水宿頻吞虬蜃涎晨仰際峰觀擁日暮看臨海泊
來船信知百越風塵異黑髮人居不待年

思關平下毗陵

憶昔雄師罷戰灰，開平猶有教軍臺。自從南向北征去，直到如今永不來。思起相從不憚役，想來奮戰愈增哀。有時夢裏還相見，袍鼓聲中旗甲開。

詢洛

洛水宮妃衣絳袍，伊河清碧淨飛濤。千年翁仲長應立，萬古銅駝永不勞。往昔嶠函車路闊，當今慈鶴洞雲高。世交罔識天垂象，以致唐皇展豹韜。

廬汀洲隱浦

泛入遙江漸渺茫，蘆花風落雪飛揚。天邊雲影浮舟靜，村外秋光列鴈行。覓隱誰知棲所在，用心無處不籌量。盧生避世深幽跡，故入滄浪野水鄉。

山滄溟隱谷

野人孤寂萬重山，夜聽猿啼峰頂間。洞口白雲時自長，溪中清水日流湍。柴扉半掩松森處，爐火頻添月色閑。已絕世塵忘俗事，吞霞服氣玩靈丹。

川原和居野

滿目平原桑棗餘，那將田地長青蕪。黃童逐豕隨牛後，白叟乘驢繼馬徂。煙樹半遮村酒旆，雲山常見市廛圖。野人自是無拘束，一日三番醉盡壺。

竹籟青樂釣

曠浦澄天濕曉煙
智人漁釣穩沙前
策輕雨霽雲收
谷釣擲綸樞水映船
舉棹欲歸江月上
掛帆已近暮
霧邊汀蘆處處飛
螢火照徹漁村飲不眠

牧羊兒土鼓

羣羊朝牧遍山坡
松下常吟樂道歌
土鼓枹時山鬼
聽石泉濯處澗鷗和
金華誰識仙機密
蘭渚何知道術多
歲久市中終得信
叱羊洞口白雲過

巨野叟漁魚

悠悠江靜日和暄
迥水歌聲度靄煙
漁網布時天上
曬布帆張處斗移邊
風恬喜日遙山嫩
岸濕頻看邇草鮮
薄暮欲歸星月上
流螢點點近船舷

橫秋風吹笛

西風落木綻黃花
牛背村童笛正佳
曾識倚樓人聽處
每聞吹月鶴昇遐
蒼江一色渾秋意
紅葉初光襯曉華
冷露下天星斗潤
煙波聲到是誰家

滄浪翁泛海

海天漠漠際無窮
巨艦檣高挾兩龍
帆飽已知風力勁
舵寬方覺水清雄
鰲魚背上翻飛浪
蛟屋鬚頭觸見虹
何日定將歸泊處
也應繫纜水晶宮

莽滄叟歌山

仰日巍峰柱上穹千巖萬壑盡玲瓏玄猿嘯月丹崖
側紫燕摩天碧漢中樵牧往來雲樹裏牛羊歸去霧
煙東山中人物常歌道歲歲年年莽蒼翁

擒禽獸伏機

機人設穽欲擒謀利鏃調絃勁弩頭禽獸無知騰躍
進雲霾深處觸嬰收湯仁祝網施洪惠禹智剝山展
大猷今古人情常不一孰將天道與心籌

鍾山雲

踞蟠千古肇豪英王氣葱葱五色精巖虎鎮山風偃
草潭龍虛氣水明星天開萬載興王處地闢千秋永

朕京咸以六朝亨替閱前禎禎後後嘉禎

鍾山雲雨

崔嵬萬壑玉籠葱靉靄雲濃雨碧松千古鍾靈佳氣
盛幾年淮秀瑞光萌倚天絕壁參銀漢拔地穹崖構
梵宮時向望中閑極目神機造化正鴻濛

新春賡王整韻

春到陽和萬象舒至陰深歛九泉居山川氣霽堅冰
泮嶽瀆雲生冷露除但向靜中觀造化特尋閑裏運
圖書仁聞堯德兼天地大治蒼生惟舜虞

又賡劉仲質韻

陽昇陰降轉洪鈞柳眼初舒造物新
泮却整冰澄碧海浮遊暖氣拂玄
旻從茲宇宙皆清泰始覺輿圖治
化亭淑鳥轉音鳴處處弄晴花蝶舞先春

春山新水

山雲靄鬱節初暄景色清明春水漣
谷鳥喜鳴花沐雨巖復悅躍樹籠
煙仙家麥飯雲蒸熟旅館薇羹氣
育鮮最好滿川渾似錦漲溪新水
印晴天

春水滿四澤

陽舒陰暢澤盈流不十應當大有秋
春雨花紅林木盛曉晴巖紫氣嵐
浮江臯釣艇蓑翁樂雲谷山人鶴
仗悠麥已蟠科煙禁日呢喃燕語
祝皇猷

雨洗山松

四山松栢夕塵連宵雨朝來洗滌
鮮聲聽微風翻碧浪光舒初氣捲
青煙啼猿日悅跳還躍舞鶴雲歸
旋更翻林麓笙簧為轉巧洞仙騎
鹿上遙天

雨洗山

初光入暑木陰森遠邇層巒滿林
浩蕩薰風至時雨洗清巖壑爽煩
襟天邊浪滾因松綠山外雲飛仗
氣深正是農家耕耨節野田處處
盡歌吟

暑霽遙岑

卷之十
蒸雲歛盡遠山青萬壑涼生宇宙間
林影淡搖溪內水崖光偏映洞邊藤
倚欄極目天開畫倦盍吟詩紙
卷三但把此時觀畎畝筋疲力倦始秋成

漢秋

雲生露結曉凝霜蘆花瀾漫積雪揚
鴻鴈翩翩來薄霧巨魚跳躍下清江
風聲落木深秋意雲影垂天印日陽
閑看蕭川黃菊菜因蜂搖動暗浮香

設潘宗道送友人歸山東

共到神州獨爾歸相携握手更牽衣
秦淮鳥噀乾坤泰鍾阜巖生日月輝
去此魯田多種粟寧鄉齊地廣

裁殺逢交必諭王綱振率土編氓莫法違

遣使爲大祀犧牲北至齊魯

欽天惟恐不精誠命爾齋符馳驛行
淮海濟州連地闊江河徐邑曠川平
智人一日曾懷爽霸業千年帝道興
俗異語殊南北辨由來混一大嘉貞

題隱者

固潔精魂欲上天幽居深處水雲邊
煙封遠浦沙鷗盡樹鎖前山草鹿眠
書假管城應復路楮生墨客未向川
逢人更祝堅清志必日雲衝足躡前

雪山寺

遠目遙岑起曉煙深埋凝雪梵王韓木枝老樹彌千
世衲被蒼僧布法筵爲羨浮生會着處好將空寂化
邊邊六年嶺際今猶見行致天花覆八埏

又唐周衡韻

同雲昨夜在長空曉日遙岑白愈豐蓋世銀粧黎庶
戶盈巖玉砌梵王宮漁樵各伎誰容易釋道貪生孰
建功造化亦由人事見十朝一雨五當風

僧目空山

孤寂淒淒一徑微處心應與世塵違朝觀松鶴摩天
去暮見巖猿挽樹歸瓶水一爐香滿座錫鑲丈室氣

盈才空山作對矢何日作蒼音抄再拜

命板的達穩禪

居山本是出塵埃何爲遊人役已散晨坐巖前觀日
上暮禪松底聽風來從教市巷笙歌美莫羨閭閻酒
肆諧十二時中香裊篆迎來送往更毋開

題神樂觀道士

仙翁調鶴欲扶穹萬里風頭浩氣雄翎背穩乘空廓
外丹光橫駕宇寰中飛符到處雷神集役劍長驅瀉
苑窮見說黃芽心地轉更於何趣覓仙宗

雲衲野人

山人脩道幾經年聞說冷松足意便時以斷雲完故
衲日將流水灌新田常勤侶鶴巖崖下寂靜儂猿煙
霧邊欲訪未知何處住料應霞舉已成仙

鍾子煉丹

微高處渺清煙知子機藏辟穀堅丹鼎鉛砂勤火
候溪雲巖谷傲松年潭龍掣電深淵底崖虎生風迴
洞邊徑已苔蒙人未履昂霄足躡斗牛天

七言絕句

鍾山

翠微突兀倚晴穹日色暄和紫氣濃谷內野猿跳上

下鶯啼悠韻樂三冬

望鍾山白雲 二首

鍾山萬疊白雲浮密鎖松梢爽氣流石徑雨痕古薛
綠蒼崖根底蟄龍湫

又

萬壑松陰起晚風硃崖雲幕亘長穹應知造化誠難
測頃刻霧霓顯至工

鶯囀皇州 二首

嫩柳鶯啼三月天園林替錦綠陰鮮乾坤氣集皇州
處景盛人繁勢自然

又
皇州春曉日增輝
旅館延餐賜遠真
淑氣烏催鳴上
苑篆煙細裊出彤闈

東風

我愛東風從東來
花心與我一般開
花成子結應花
盛春滿乾坤始鳳臺

新雨水

片雲風駕雨飛來
頃刻凭看潤九垓
楹外近聆新水
響遙穹一碧見天開

萍生

性覺先春膚色金
垂青之後漫精英
飛來陸野還成
柳飄入淵池化作萍

思遊寺

雨落黃梅麥已秋
日思精舍夢還遊
晨昏幾度經鐘
聽巖壑雲生出野樓

雨墜應落花賡徐瑛韻

人道春歸實不歸
但知結實蕊枝稀
昨朝一夜如膏
雨正是花成子就時

又賡吳詰韻

時近清和氣愈濃
雨催花實喜晴風
籬邊點點如錢

六盡是青青間綠紅

又賡馬從韻

霏霏颯颯又紛紛致使平原草色新一夜好花都結
子乾坤大地沒埃塵

又賡宋琢韻

清和未至尚春風花幕園林似錦紅細雨只教成子
速盡飛彩蝶最多功

又賡朱孟辨韻

蕭蕭雨灑墜花頻襯地由來似褥茵獨有乾坤能造
化生成萬物最多仁

又賡杜慎韻

好風吹謝實成花糾結飛飛似錦霞志者春光陰寸
惜人生一世幾榮華

又賡劉仲質韻

天地多仁惟好生致令草木結華英因風細雨枝頭
看花已飛時子已成

雨後晴雲賡馬認韻

萬疊晴雲起遠峰
雲極目見天中
如畫民安
樂溥暑蒸苗秋不空

暑蒸物盛

數礙氣氤氳氣生石泉漉漉似流行
節萬物依時得遂言

望雨

日在天邊起密雲月當皎潔日常曠憂思禾稿民何
福腹內心煎意雨評

齊時雨

暑雨天晴江漢清寰中擊壤賀昇平群卿盡職人風
古省已脩身介

上明

日遠山

雲靄遠山風至雨一簾高堦暑咸收太平無事民康
日正在調和理順秋

青山白雲 四首

凌穹截業翠江邊佳氣氤氳素練纏勢若遊龍真造
化油然縹渺似飛綿

又

雲凝雨後翠張綿隱露遙岑將近天潭水龍吟吹白
浪丹崖穹處暮收煙

又

青山雲靄雪凝枝畫作長生太古詩猿鶴自如巖谷

迥出塵野老本心知

又

鍾山萬木暑陰森巖壑松風奏玉琴溪澗碧流聲韻
美望中佳興致題吟

又賡易毅韻

鍾山洞口綵霞長萬壑雲生濟至陽猿鶴每棲渾意
樂黃旗紫蓋世興王

又賡盧均泰韻

鍾山曙色夏初長巖壑嵐生輔太陽幾度雨餘天一
碧遙岑羅列更非常

山頂白雲

山椒極目白雲崇
巖色繽紛百丈松
新水潺岩聞鼓
韻女蘿遙似洞門封

春望牛首

遙岑峙立勢蒼然
春聽鶯啼景物鮮
壘嶂倚天江月
外三山映帶石城邊

秋日鍾山賡裴植韻

倚蒼羅列數奇峰
巖谷雲生萬態容
或爾有時樓閣
見分明一體廣寒宮

詠李白遊洞庭湖

知不足齋

蒼梧山色水何分
碧鏡澄湖杳渺雲
惟有古人堪羨
處湘妃猶自望
虞君

詠李白早發白帝城 二首

白帝城高萬疊間
江雲朝出暮猶還
信知千古英雄
地雖險應須德作山

又

謫仙東下入瞿間
一葉扁舟日日還
聞說衝濤千尺
浪兩江極目盡皆山

詠李白秋下荆門

布帆高掛映長空
且喜新秋冷露風
數日輕舟歸似

箭須更繫柳泊吳中

老禪紙帳

樓閣崢嶸半倚天
老禪紙帳書酣眠
精魂惟識黃龍
劍定省還知叩玉泉

雪詩賡韓文輝韻

陰極陽生墜玉花
飄飄颯颯遍天涯
歌樓酒肆呼茶
急繡戶重裱樂貴家

又春李睿韻

陰極陽生建至和
飛花滕六玉山阿
從斯瘴癘同雲
捲喜見良人相與歌

又賡曹文壽韻

翩翩飛舞布田垓似絮還疑玉藥梅一夜撲窓春蝶
戲好風吹去又堆來

又賡張翼韻

臘前三白曠無涯應是天公降六華九曲河深凝底
凍張騫無處再乘槎

寺掩山深二首

絕跡高人隱翠岑山連疊嶂白雲深欲經無覓通人
處時忽林風送磬音

又

見說山中了道僧不聞鍾鼓不聞經
朝觀樹頂香煙裊暮識禪機一鏡明

又賡馬懿韻

山深樹密欹幽巖僧舍清虛門鎖嵐有客問禪無覓
路已知出世不同凡

雲山僧寺

雲籠紫翠縹鴻濛洞口風生度梵鍾我欲叩禪閑問
道老僧心地與天通

又賡吳沉韻

天生倚碧吐雲奇巖壑隆峰萬古宜谷內野人機回

塵從前甲子了無知

鍾山僧寺賡單仲右韻三首

遊山必是叩僧禪聞說神僧透宿緣山果玄猿搖綠樹亦知入定是金仙

又

精藍幽谷寺差義風過松聲韻碧波寂寞山塵天外景驪騮雜遝意奚何

又

山勢峻嶒谷隱僧六通具足勢層層鵲巢冠頂忘機處午夜明星識已能

飛鳥化鳥

幻化由來顯妙工幕天席地自從容還知飛鳥成雙鳥猶且同塵入宦中

仙人

仙入鶴背幾經秋神出塵寰宇宙游鐵笛橫吹天地外肯將精氣渾茫儔

天界寺春雀

春風夜雨沐花妍曉震簷前雀噪喧孰謂可知機裏事飄然翕翮舞長天

賡記太朴韻

花逢夜雨曉看妍
實蓋凋時堦不喧
試問老樗幽得處
謂言物外有青天

神樂觀道士

團說仙人豈等閑
年年辟穀鍊金丹
虛心盡却玄中

覽特役絃歌謁

帝壇

高皇帝御製文集卷第二十

御製文集後序

御製文集五卷論記詔序詩文凡若干篇翰林學士臣樂韶鳳
宋濂等之所編錄臣劉基謹拜稽首讀畢而為序曰臣聞自古
帝王之德之美見乎外者文與武也惟上聖為能兼焉故天下
無事則以制禮作樂布政施令民之望之但見其光輝昭著如
日月之照臨於是乎名之曰文天下有事則以誅暴伐亂植善
覆惡民之望之但見其威勇奮發如雷霆之震迅於是乎名之
曰武文也武也同出于一人也是故益替帝堯則曰乃武乃文
周公賦詩以歌詠文王則盛稱其邁昆夷伐崇之事此聖人所
以起乎萬物之上可望而不可及者歟欽惟

皇帝提一旅之衆龍飛淮甸剪翦群雄

命將四征

神謀妙算悉出

宸衷動無遺策是以不十年間奄有區宇玄黃之所覆載罔不
臣妾自古以來武功之盛未之有也及夫

萬幾之暇作為文章舉筆立就莫不雄深宏偉

言雅而旨遠至于

詔諭遐方明燭萬里若洞見其肺腑真所謂

天生聰明可望而不可及者矣臣基蒙

恩獲陪侍從親觀其盛因思書詩所稱古昔帝王兼全文武者
誠非溢美故孟子曰前聖後聖其揆一也由今觀之豈虛語哉
洪武七年歲在甲寅冬十二月甲寅資善大夫誠意伯臣劉基
拜手稽首謹序

歷代聖王同道而治天下者惟文武二事也粵自庖犧氏觀河
圖畫八卦人文宣朗之後於斯二事能臻其極則二帝三王而
已耳故書為王者之言典謨訓誥之文赫如日月照耀今古其
紀堯之德曰欽明文思又曰乃武乃文紀舜之德曰濬哲文明
紀禹之德曰文命敷于四海其所由來尚矣湯武雖以征伐得
天下然偃武修文述作彌盛蓋天生聰明睿智為君為師必上
達造化之理下窮事物之源吐辭為經舉足為法行之為道德
措之為事業發之為文章此全體該貫雖萬殊而一致也自漢
而下興王代作然文經武緯一弛一張率不能兼濟其美惟唐
太宗以兵力定權亂及踐阼之後詞章奮發動成巨帙論者以
其雕奇鏤恠徒與騷人韻士爭錙銖之巧而不能有帝王氣象
我

皇上乘炎精之運龍興中土以一旅取天下於焜燿之手不數年間混
一南北溪蠻海夷文身卉服罔不來庭當命將出師一以禮樂
從事惟武功之盛由三代迄今未能或之比也然自
臨馭以來雖萬幾之際未嘗不游心乎道學存志乎詩書是以
匡飭巨廢或詔諭邊方輒寓辭竹帛親搦奎翰意無停機一揮
而數千百言群臣環視靡不聳服若設諭省頑紀夢等篇雖與
謨訓誥寔相表裏及先詞雅什助宣聲教者粹然一出于情性
之正侍臣錄之凡五卷其為文也去浮靡之華惇淳古之本爛
乎與日星同其耀也風雲同其變也河嶽同其高深也太章韶
濩同其奏也浩乎與江海同其波汗漫汪溢莫能窺其涯涘也
沖乎與陽春同其和煦而草木得以遂其生也蓋天地精英之
氣必鍾於聖人而下飾萬物者其不在茲乎其不在茲乎傳曰

其有成功也煥乎其有文章前聖後聖同歸一揆然則仲尼之
言豈專美于有唐而已哉臣傳叨任載言幸朝夕待
左右每以是集拜捧而讀之尋繹吟玩其
弘謨睿訓淹貫於耳目久矣欽惟

天才英邁

聖體純穆不耽於聲色之好絕遊畋之娛涵養沖素蓄之厚者施必溥
源之澄者流必清故其發於外者其盛大光明有如此而
上猶以為未至也欲去其蒙而翰林學士承旨臣詹同等固請宜鈇諸
梓以貽

聖子神孫俾有矜式於戲夫聖賢文武鴻業作於數千載之前
尚歧而慕之思見其人斯文也傳於數千載之下將使來者又
思慕之不已凡念

禁庭親薰而多之安得有不為榮幸而感發於中耶苟因是言
得附名卷末亦間世之希遇云

洪武七年歲在甲寅冬十二月乙卯承事郎起居注臣郭傳拜
手稽首謹序



恭題

御製文集後

臣聞有德者必有言蓋有德者和順積中英華發外無非天然
之文不待勉強而後成譬猶大化流行融液通暢而萬物發舒
各得生生之妙精神充衍無往不在故大舜作五絃之歌湯為
盤銘武王造起居之誡皆粲然成文此楊子雲所謂聖人之言
炳若丹青也恭惟

皇帝陛下統御以來用人文化成天下

睿訓諄復惟恐一夫不獲其所

天縱聖能形諸篇翰奎璧照耀層霄絢采光被上下萬象動色
然而建中于民寤寐弗忘則有虞享財解愠之歌也夙夜修省
常如神廟森列左右則湯武盤行几杖之銘也仁民愛物之心

隨感而見布于方策溫潤淵深統貫乎斯道光芒氣發蓋覆于六合前聖後聖異代而同符也臣供奉詞林幸日侍
几硯仰瞻

揮灑之際思若淵泉頃刻之間煙雲盈紙有長江大河一瀉萬里之勢跪捧而觀殷彝周鼎未足喻其古也大山喬嶽未足喻其高也風霆流行未足喻其變化也蓋由

天德粹純無聲色之好無遊畋耽樂之從聚精會神凝思三造形於心聲同功造化非語言形容之可盡也且當
萬幾之暇時

御翰墨多不暇見於侍臣之所錄者得若干篇臣竊以為日星昭回于天下飾萬物蒼生無不仰照

聖皇之文猶日星也是宜刻于文梓流布四海使見之者咸獲味真

文明之化熙熙皞皞相與率德勵行以為忠孝之歸豈不盛哉於是敬錄如上文與詩凡五卷續有制作復編類為後集云翰
林作諸學士中順大夫知制誥同修國史兼太子贊善
大夫臣宋濂拜手稽首謹書

